

[Augsburg], 24. Mai 1553

An Johannes Oporinus

UB Basel, Fr. Gr. I 11, fol. 175r.
Steinmann Nr. 671.

S. P. D. De tuis et meis rebus nihil esse puto quod scribam. Nam et te pecuniam iam accepisse, et Isocratem meum strenuè imprimi confido. nisi quod certior a te fieri cupio, de Demosthene nostro quid statueris. Nam ante paucos dies nonnihil ex aduersa valetudine recreatus, strenuè ad finem diurnae et saepius repetitae correctionis propero. Quòd si res tuae non paterentur vt excuderes: spes mihi per amicos facta est, quanquam dubia, Froschouerum meis commodis non defuturum. Verùm ego longè malim, Mi Oporine, meam voluptatem cum vtilitate tua coniunctam esse: cuius rei quam facultatem habeas, quamprimum certò cognoscere cupio. Ioannes autem Baptista Henzelius has ad te literas mittit, et petit, vt libellum iampridem sua opera ad te missum, si excudendum non censeas, sibi restituas. Nouarum rerum apud nos nihil est, nisi quod ὁ ἄκριτος τοῦ μαρχίωνος πρὸς τοὺς ἐπικότους πόλεμος ἀδηλος ἔτ' ἐστὶν ἡ γωρήσει. Vale et amicis salutem D. Cellario in primis et Castalioni. 24 Maij Anno 1553.

Hiero[nymus] Wolfius
Tuus.